



REGULAMENTO ELECTORAL 2014

Para a elección a membros da Asemblea Xeral, Presidencia e á Comisión Delegada da Federación Galega de Petanca.

Índice:

Artigo 1. Obxecto da normativa.	Páxina 2
Artigo 2. Celebración de eleccións.	Páxina 2
Artigo 3. Regulamento electoral provisional e definitivo.	Páxina 2
Artigo 4. Censo electoral.	Páxina 2
Artigo 5. Xunta electoral.	Páxina 3
Artigo 6. Mesa electoral: composición e competencias.	Páxina 4
Artigo 7. Convocatoria de eleccións.	Páxina 4
Artigo 8. Electores e elixibles.	Páxina 5
Artigo 9. Composición da Asemblea xeral.	Páxina 5
Artigo 10. Proporcionalidade na composición da Asemblea xeral.	Páxina 6
Artigo 11. Membros natos da Asemblea Xeral polo estamento de Entidades.	Páxina 6
Artigo 12. Candidatos a membros electos da Asemblea Xeral.	Páxina 7
Artigo 13. Sistema de votación a membros da Asemblea Xeral.	Páxina 7
Artigo 14. Voto por correo.	Páxina 8
Artigo 15. Presentación de candidaturas a Presidenta ou Presidente.	Páxina 8
Artigo 16. Elección da Presidenta ou Presidente.	Páxina 9
Artigo 17. Elección de membros da Comisión Delegada.	Páxina 10
Artigo 18. Recurso ante a Xunta Electoral.	Páxina 10
Artigo 19. Recurso ante o Comité Galego de Xustiza Deportiva.	Páxina 11



Artigo 1. Obxecto da normativa.

En aplicación do disposto na Lei 3/2012, do 2 de abril, do deporte de Galicia, e na Orde do 8 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e a realización dos procesos electorais nas Federacións Deportivas Galegas, confeccionase a seguinte normativa que regula o proceso de elección dos órganos de goberno: Asemblea xeral, Presidente e Comisión Delegada, da Federación Galega de Petanca, con representatividade durante o período 2014 a 2018.

Artigo 2. Celebración de eleccións.

A Federación Galega de Petanca procederá á elección da súa Asemblea Xeral, Presidenta ou Presidente e a Comisión Delegada no ano 2014. O calendario electoral (Anexo I). Os sobres e papeletas, serán facilitados pola Federación. Establécese como horario de apertura ao público da sede federativa o seguinte: os venres 19:00h. a 20:30h.

Artigo 3. Regulamento electoral provisional e definitivo.

Unha vez aprobado o regulamento electoral por parte da Asemblea Xeral da Federación Galega de Petanca será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán 10 días hábiles para proceder a dita corrección.

Solicítase á Asemblea Xeral da Federación Galega de Petanca no caso que houbera que subsanar algunha deficiencia no mesmo regulamento electoral, que delegue e autorice á Xunta Directiva facer os cambios necesarios, sen necesidade dun novo sometemento á aprobación da Asemblea Xeral. Unha vez feitas estas modificacións, o novo regulamento presentárase á Secretaría Xeral para o Deporte para a súa ratificación definitiva.

Artigo 4. Censo electoral.

1. O censo electoral (Anexo II) incluírá ás e ós deportistas, as técnicas e os técnicos, as árbitras e os árbitros e as Entidades Deportivas inscritas na federación e no Rexistro de Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Inclúiranse os seguintes datos:
 - a. Para ás e ós deportistas, as Técnicas e os Técnicos e as árbitras e os árbitros: nome, apelidos, número de licenza de dito estamento, número do Documento nacional de identidade ou da tarxeta de residencia e a entidade. O domicilio reflectido por defecto para o estamento de deportistas e técnicas e técnicos será o da entidade ao que pertencen, e no caso, do estamento de árbitras e árbitros será o da Federación. No período de reclamacións ao censo provisional poderase solicitar o cambio de domicilio.
 - b. Para as Entidades Deportivas: nome, denominación ou razón social e número de inscrición no Rexistro de Entidades Deportivas de Galicia, así como o nome e apelidos da Presidenta ou Presidente e Secretaria ou Secretario. Os datos das entidades deberán ser plenamente coincidentes cos datos contidos no Rexistro de Entidades Deportivas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Entidades Deportivas de Galicia, establecerase un prazo de 10 días para a súa subsanación.
2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo de 3 días hábiles e considerándose o silencio da Xunta Electoral en sentido estimatorio da petición realizada. Dita exposición farase no taboleiro de anuncios da Federación Galega de Petanca, así como na páxina web fgpetanca.org.




3. O censo será considerado definitivo se non se presenta reclamación algunha, ou cando de presentarse, sexa resolta pola Xunta Electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.
4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.
5. Co fin de facilitar a participación e a integración na actividade deportiva da Federación Galega de Petanca, os candidatos proclamados poderán dispoñer do respectivo censo de persoas que compoñen o seu estamento e, no caso dos candidatos á Presidencia, do censo de persoas que conforman a Asemblea Xeral. O censo só poderá ser utilizado para os efectos do correspondente proceso electoral.

Artigo 5. Xunta electoral.

1. O mesmo día da convocatoria de eleccións constituirase a Xunta Electoral.
2. A Xunta Electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da Xunta Electoral deberán reunir os requisitos seguintes:

- a. Ser maior de 18 anos.
 - b. Ter o título de bacharelato superior ou equivalente.
 - c. Non presentarse como candidato a membro da Asemblea Xeral.
 - d. Non ter relación contractual ou profesional coa Federación Galega de Petanca.
 - e. Non estar cumprindo sanción disciplinaria firme ou sanción administrativa firme en materia deportiva que con leve sanción de inhabilitación para ocupar cargos nunha organización deportiva.
3. No caso de non presentación de candidatos a membros da Xunta Electoral, a Presidenta ou Presidente da federación proporalle á Asemblea os membros necesarios para completar a mesma, os cales deberán así mesmo reunir os requisitos definidos no apartado anterior.
 4. Actuará como Presidenta ou Presidente e Secretaria ou Secretario da Xunta Electoral o membro de maior e menor idade, respectivamente. As decisións da Xunta Electoral tomaranse por maioría de votos. A asistencia á Xunta Electoral é obrigatoria salvo causa xustificada.
 5. Funcións da Xunta Electoral:
 - a. Velar polo axustamento a dereito do proceso electoral dos órganos de goberno e representación federativos.
 - b. Organizar os procesos das eleccións para a Asemblea Xeral, Comisión Delegada e Presidenta ou Presidente da federación, segundo o disposto neste regulamento electoral.
 - c. Designar as mesas electorais de conformidade co previsto neste regulamento electoral.
 - d. Aprobar as candidaturas que reúnan os requisitos esixidos, así como o resto da documentación electoral.
 - e. Garantir a exposición de censos, candidaturas e outros documentos segundo se estableza neste regulamento electoral.
 - f. Coñecer e pronunciarse sobre os recursos que se presenten.
 - g. Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
 - h. En xeral, cantas facultades lle sexan atribuídas por este regulamento electoral.



- Os gastos dos membros da Xunta Electoral non serán sufragados pola Federación Galega de Petanca.

Artigo 6. Mesa electoral: composición e competencias.

- En cada circunscrición electoral constituirase unha única mesa electoral para a elección dos membros da Asemblea Xeral o día 18 de outubro. O horario de apertura da mesa será o seguinte: de 10:00h. a 17:00h. Ubicaranse no seguinte lugar: Casa do Deporte de Vigo na Rúa Fotógrafo Luís Ksado 17.

As mesas electorais estarán compostas por tres membros titulares (unha Presidenta ou un Presidente, unha secretaria ou un secretario e unha ou un vogal) e tres suplentes destes, elixidos por sorteo pola Xunta Electoral entre os integrantes do censo definitivo. Serán a Presidenta ou Presidente e secretaria ou secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola Xunta Electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a Xunta Electoral con antelación non inferior a 24 horas do día da celebración das respectivas votacións. A Xunta Electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

- A efectos de remisión do voto por correo, establécese como mesa para a recepción deste voto a Casa do Deporte de Vigo na Rúa Fotógrafo Luís Ksado 17.
- Son competencias da mesa electoral:
 - Comprobar a identidade dos votantes.
 - Recoller a papeleta de voto e depositala na urna pechada e preparada aos efectos.
 - Proceder á contaxe de votos.
 - Levantar acta dos votos emitidos, resultados, e calquera outras incidencias, así como das incidencias e reclamacións se as houbera, facendo constar o número de votos obtidos por cada candidato.
- A acta será subscripta por todos os membros da Mesa Electoral, así como polos interventores, se os houbera, remitíndose posteriormente á Xunta Electoral, que deberá garantir a súa exposición pública mediante a publicación no taboleiro de anuncios e na páxina web fgpetanca.org
- Cando proceda a elección de Presidenta ou Presidente constituirase a Mesa Electoral con dous membros que serán respectivamente o de maior e menor idade da asemblea. A primeira actuará como Presidenta ou Presidente e a segunda como Secretaria ou Secretario. Así mesmo, e ata que conclúa a elección de Presidenta ou Presidente, exercerán funcións de Presidenta ou Presidente e Secretaria ou Secretario da Asemblea Xeral.
- Os gastos dos membros das Mesas Electorais non serán sufragados pola Federación Galega de Petanca.

Artigo 7. Convocatoria de eleccións.

- A convocatoria das eleccións será feita pola Presidenta ou Presidente da Federación Galega de Petanca o día 6 de setembro do 2014, conforme a este regulamento electoral, aprobado pola Secretaría Xeral para o Deporte.
- Simultaneamente á convocatoria de eleccións, a Xunta Directiva disolverase, constituíndose en Comisión Xestora que non poderá realizar mais que actos de mera administración e trámite.
- A convocatoria de eleccións publicarase no taboleiro de anuncios da sede da federación, así como na páxina web fgpetanca.org. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:



- a. Regulamento Electoral.
 - b. Calendario Electoral con indicación do lugar, data e hora de celebración dos actos propios do proceso electoral.
 - c. Lugar de consulta dos censos electorais.
 - d. Modelos oficiais de sobres e papeletas.
 - e. Composición e sede da Xunta Electoral da Federación.
4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través do medio que permita asegurar a súa recepción, cando menos, ás Entidades Deportivas integrantes desta Federación e á Secretaría Xeral para o Deporte.

Artigo 8. Electores e elixibles.

1. Poderán ser electores e elixibles:
 - a. No caso dos estamentos constituídos por persoas físicas (ós e ás deportistas, as técnicas e os técnicos e as árbitras e os árbitros) que reúnan os seguintes requisitos:
 - i. Ser maior de idade á data da convocatoria das eleccións.
 - ii. Ter licenza en vigor e tela na tempada anterior á da data de convocatoria de eleccións.
 - iii. Ter participado como mínimo nunha competición oficial na tempada anterior.
 - b. No caso do estamento das Entidades Deportivas: aquelas entidades, que estean inscritas, no ano da convocatoria das eleccións, na federación e no Rexistro de Entidades Deportivas de Galicia e teñan participado en competicións deportivas. A estes efectos e, con mínimo, deberán de ter participado en catro competicións ou organización entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non serán elixibles aquelas entidades que formen parte da Asemblea Xeral na súa condición de membros natos.
2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea Xeral.
3. Os membros da federación que pertencen a dous ou mais estamentos no censo provisional, deberán optar por un deles, mediante escrito ante a Xunta Electoral, que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, quedarán incluídos nun só estamento segundo o criterios seguintes:
 - a. No estamento de técnicas e técnicos os que están incluídos nos censos de deportistas e de técnicas e técnicos.
 - b. No estamento de árbitras e árbitros os que se atopan nos censos de deportistas, técnicas e técnicos e árbitras e árbitros.
 - c. No estamento de árbitras e árbitros os que se atopan no censo de técnicas e técnicos e árbitras e árbitros.

A Xunta Electoral da Federación Galega de Petanca introducirá as correccións no censo electoral que se deban efectuar como consecuencia do exposto no apartado anterior, procedendo a súa publicación no momento do censo definitivo.

Artigo 9. Composición da Asemblea xeral.

1. O número de membros da asemblea xeral será de 35, en aplicación do artigo 10, do presente regulamento electoral. A Presidenta ou Presidente da Federación desempeñará a Presidencia da Asemblea Xeral.
2. Os seus membros serán elixidos por sufraxio libre, igual, directo e secreto, salvo a singularidade prevista para o estamento de Entidades Deportivas, por e entre os compoñentes de cada estamento de conformidade co número e proporcións de representación que se establecen no presente regulamento.

3. Na Asemblea Xeral deberán estar representados todos os estatutos recoñecidos nos estatutos e integrados na federación e, cando menos, as Entidades deportivas, as e os deportistas, as técnicas e técnicos e as árbitros e os árbitros.
4. No estatuto de Entidades haberá membros natos e membros electos.
5. A representación das Entidades corresponde á Presidenta ou Presidente ou persoa que conforme os Estatutos lle corresponda. Esta representación acreditarase fidelmente mediante certificación da inscrición do Rexistro de Entidades Deportivas de Galicia na que figure expresamente os representantes legais da Entidade.
6. Non cabe representación das persoas físicas.
7. Ningún membro da Asemblea Xeral poderá desempeñar unha dobre representación nesta.
8. A Federación Galega de Petanca axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).
9. O mandato da Asemblea Xeral é de catro anos que se renovará nos anos que teñan lugar os Xogos Olímpicos de Inverno.

Artigo 10. Proporcionalidade na composición da Asemblea xeral.

1. A porcentaxe e número membros de cada estatuto é:

a. Representantes das Entidades:	65,7 %	23 membros
b. Representantes de Deportistas:	20,0 %	7 membros
c. Representantes de Técnicas e Técnicos:	8,6 %	3 membros
d. Representantes de Árbitros e Árbitros:	5,7 %	2 membros
2. A representación mínima do estatuto das Entidades na asemblea xeral da Federación Galega de Petanca deberá ser do 50% do censo definitivo de Entidades, incluíndo os membros natos.

En calquera caso todas as Entidades deberán necesariamente cumprir os requisitos que para elas se establece no artigo 8 deste regulamento.

3. Cando o número de candidatos de calquera estatuto coincida ou sexa inferior ao número de membros que hai que elixir, non será necesaria a celebración de eleccións polo que a ese estatuto se refire, dando continuidade ao procedemento electoral.
Non obstante, no caso de que nalgún estatuto da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, a Presidenta ou Presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da Asemblea Xeral polo estatuto de Entidades.

Conforme o establecido na Orde do 8 de setembro de 2010, establécese como baremo para a designación dos membros natos da asemblea xeral o seguinte:

1. As Asembleas Xerais formadas por máis de 15 representantes do estatuto das entidades, aqueles 5 que contan cun maior número de licenzas, así como outros 5 que teñan participado no maior número de competicións oficiais ou actividades oficiais no caso das federacións en que as actividades deportivas máis relevantes non sexan actividades competitivas. Para a determinación dos membros natos pola participación en competicións e ou actividades, valorarase tanto o número de competicións ou actividades en que se participa como o número de deportistas participantes, no caso da organización terase en conta o número de equipos participantes como o número de deportistas, dividido entre o número de equipos participantes do torneo de menos participación.



2. Nos casos de empate nalgunha das categorías anteriores, será membro nato aquela entidades que conte con máis méritos na outra categoría. No caso de proseguir o empate, este resolverase favorablemente para a entidade con máis antigüidade na súa afiliación á federación.
3. Estes datos referiranse ao ano inmediatamente anterior ao da convocatoria das eleccións.
4. No caso de que unha entidade teña méritos para obter representación na asemblea por ambas categorías, a representación resultante será cuberta polas entidades candidatas á Asemblea segundo o procedemento ordinario de elección no estamento de entidades.

Conforme o anterior baremo, son membros natos da asemblea as seguintes entidades:


Maior número de licenzas (ANEXO III)	Maior número de participación e Organización (ANEXO IV)
1. CLUB PETANCA FLORIDA	1. CLUB PETANCA ENSINO
2. CLUB PETANCA CABRAL	2. CLUB PETANCA CABRAL
3. CLUB PETANCA VIGO	3. CLUB PETANCA FLORIDA
4. PEÑA CULTURAL Y DEPORTIVA BLANCO Y NEGRO	4. CLUB D'O LUME
5. CLUB D'O LUME	5. CLUB PETANCA VIGO

Artigo 12. Candidatos a membros electos da Asemblea Xeral.

1. Poderá ser candidato a membro da Asemblea Xeral toda persoa física ou xurídica (incluída no censo definitivo) que o solicite persoalmente, por correo certificado, correo electrónico ou por calquera outro medio que acredite fehacientemente en dereito a dita solicitude, ante a Xunta Electoral. Para a solicitude establécese un prazo de 5 días hábiles a contar dende a publicación do censo definitivo.
2. Unha vez presentadas as candidaturas, a Xunta Electoral proclamará a lista provisional de candidatos facéndoa pública na páxina web fgpetanca.org. Haberá un prazo de 2 días hábiles para a presentación de posibles reclamacións ante a Xunta Electoral.
3. Unha vez resoltas as posibles reclamacións si as houberse procederase á proclamación definitiva de candidatos. O prazo do que dispón a Xunta Electoral para a resolución das reclamacións será de 2 días hábiles.

Artigo 13. Sistema de votación a membros da Asemblea Xeral.

1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario de 10:00h. a 17:00h. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a Xunta Electoral fixará unha data para a nova votación.
2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu Presidenta ou Presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.
3. Os candidatos que non resulten elixidos en cada estamento terán a condición de suplentes por orde de votos recibidos.
4. Se un membro electo da Asemblea perdera a condición, pola que foi elixido, causará baixa automaticamente naquela, procedéndose á súa substitución polo suplente que ocupe o seguinte posto por número de votos.



Artigo 14. Voto por correo.

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.
2. O exercicio do voto por correo haberá de ser solicitado polo interesado á Xunta Electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, correo electrónico, burofax, ou por calquera outro medio validamente admitido en dereito, que deixe constancia da solicitude.
3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito, a anotación correspondente no censo e estendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría xeral para o deporte.

A Xunta Electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urgente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación (ambos oficiais) xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría Xeral para o Deporte, publicándose asemade na páxina web fgpetanca.org.

4. O elector introducirá a papeleta de voto no sobre de votación e pecharao. Incluirá este sobre de votación xunto ao certificado emitido pola Xunta Electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría xeral para o deporte para a súa custodia, por correo certificado urgente, consignándose no anverso e reverso do mesmo os seguintes datos:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Petanca

Reverso:

Nome e apelidos do remitente
Estamento de (poñer estamento)
Federación Galega de Petanca

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urgente, e non serán admitidos os sobres depositados con data posterior. A Secretaría Xeral para o Deporte de Galicia custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial, os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.
6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a Presidenta ou Presidente.

1. No prazo de 5 días hábiles dende a proclamación definitiva de membros da Asemblea Xeral, poderá presentar candidatura a Presidencia da federación calquera persoa física, que teña a condición política de galego, maioría de idade, ~~ter en pleno uso os seus dereitos civís, que~~

non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. A persoa que resulte elixida como presidente non poderá desempeñar ningunha outra actividade directiva ou de representación dentro da propia estrutura federativa. Non se poderá simultanear a Presidencia dunha Entidade Deportiva coa Presidencia da Federación Galega de Petanca na que se integre a dita Entidade.

Se algún membro da Comisión Xestora presentase a súa candidatura á Presidencia, deberá cesar naquela.

A Presidenta ou Presidente saínte da federación será membro da nova Asemblea Xeral. Esta condición perderase nos casos de non presentar candidatura á Presidencia ou, de téndoa presentado, non resultase elixido.

2. A presentación de candidaturas farase nas sede da Federación Galega de Petanca ou a dirección de correo electrónico fgpetanca@gmail.com mediante escrito dirixido á Xunta Electoral.
3. Finalizado o prazo de presentación de candidaturas, a Xunta Electoral exporá a listaxe provisional de candidatos a presidente no taboleiro de anuncios da federación así como na súa páxina web fgpetanca.org. Pódense presentar impugnacións a esta no prazo de 2 días hábiles. As impugnacións serán resoltas pola Xunta Electoral no prazo de 2 días hábil.

A Xunta Electoral publicará no día seguinte hábil, seguindo os medios reflectidos no punto anterior, a lista definitiva de candidatos á Presidencia.

Artigo 16. Elección da Presidenta ou Presidente.

1. O día 8 de novembro ás 10:30 horas, constituirase a Asemblea Xeral en primeira e ás 11:00 horas en segunda convocatoria, tendo como únicos puntos da orde do día, a elección a Presidenta ou Presidente e a membros da Comisión Delegada. A Presidenta ou Presidente da Federación será elixido mediante sufraxio libre, directo, igual e secreto polos membros da Asemblea Xeral presentes no momento da elección.
2. Na votación á elección de Presidenta ou Presidente non se admitirá o voto por correo nin a delegación de voto. A representación das entidades realizarase conforme o establecido no artigo 9 do parágrafo 5., non admitíndose que unha persoa ostente a representación de mais dunha entidade.
3. Comezada a sesión e constituída a Mesa Electoral, a Presidenta ou Presidente presentará os candidatos.
4. Os candidatos exporán os seus programas, procedéndose á votación da Presidenta ou Presidente.
5. A Xunta Electoral determinará o modelo de papeleta. Cada membro da Asemblea só poderá votar a un candidato.
6. O proceso de votación estará formado por un máximo de tres votacións.
 - a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contan cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidenta ou Presidente.



- b. Na segunda votación soamente serán elixibles aqueles que, como xa está exposto e coas excepcións contempladas, obtiveran alámenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
- c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no mesmo día, resultando elixido o que obteña maioría de votos.
7. Terminada cada unha das votacións realizadas, a Mesa Electoral procederá á contaxe de votos e levantará a oportuna acta.
8. No caso de existir soamente dous candidatos, resultará elixido o que obteña a maioría simple dos votos. No caso de empate resultará elixido o de maior idade.
9. No caso de presentarse un só candidato, non se efectuará votación.
10. Se non se presentase ningunha candidatura ou non fose válida ningunha das presentadas, a Comisión Xestora administrará a federación e convocará e realizará novas eleccións a Presidenta ou Presidente no prazo máximo de 3 meses.
11. Rematada a elección, a acta do resultado desta será remitida á Xunta Electoral. Transcorridos os prazos de presentación de posibles recursos e resoltos estes, a Xunta Electoral proclamará presidente ao candidato máis votado e comunicará os resultados á Secretaría Xeral para o Deporte no prazo máximo de 10 días.
12. Unha vez proclamado definitivamente a nova Presidenta ou novo Presidente, a Comisión Xestora deberá poñer a disposición desta ou deste, no prazo máximo de 5 días hábiles, contados dende a proclamación definitiva, toda a documentación relativa á Federación, levantando acta da documentación entregada e remitíndolle copia desta á Secretaría Xeral para o Deporte.
13. Tras a súa proclamación a Presidenta ou o Presidente designará os demais Órganos e Comités de acordo cos Estatutos da Federación, debendo comunicarlle a súa composición á Secretaría Xeral para o Deporte no prazo máximo de 10 días hábiles, dende o seu nomeamento.
14. O mandato da Presidenta ou Presidente é de catro anos que se renovará nos anos que teñan lugar os Xogos Olímpicos de Inverno.

Artigo 17. Elección de membros da Comisión Delegada.

A Comisión Delegada será elixida pola Asemblea Xeral mediante sufraxio libre, igual, directo e secreto entre os seus membros do mesmo estamento. O seu mandato coincidirá co da Asemblea Xeral. Será presidida pola Presidenta ou Presidente da Federación como membro nato desta.

O número de membros da Comisión Delegada será de seis, ademais da Presidenta ou Presidente, distribuídos por estamentos, da seguinte forma:

- | | |
|--------------------------------------|-----------|
| 1. Estamento de Entidades. | 3 membros |
| 2. Estamento de Deportistas. | 1 membro |
| 3. Estamento de Técnicas e Técnicos. | 1 membro |
| 4. Estamento de Árbritas e Árbritos. | 1 membro |

O procedemento para a súa elección será o seguinte. Poderán ser candidatos a membro da Comisión Delegada os membros da Asemblea, debendo dirixir un escrito á Xunta Electoral, facendo constar a condición de membro da Asemblea Xeral e manifestando expresamente a vontade de se presentar como candidato a membro da Comisión Delegada, especificando o estamento polo que se presenta. O prazo será de 5 días hábiles dende a proclamación definitiva do resultado da votación de membros da Asemblea Xeral.

Se no prazo previsto para presentar candidaturas, se presentase un número inferior ós postos a elixir, ditos candidatos quedarán automaticamente elixidos sen votación, e poderán presentarse no acto da Asemblea outros candidatos que serán sometidos a votación. No caso de empate procederase a unha segunda volta entre os candidatos empatados e se persistise o empate resultará elixido aquel que teña máis antigüidade en dito estamento.

Artigo 18. Recurso ante a Xunta Electoral.

O coñecemento de tódolos recursos que se poidan formular na materia Electoral corresponde á Xunta Electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da Xunta Electoral.

Os recursos ante a Xunta Electoral serán presentados, persoalmente ou por calquera medio que acredite fehacemente en dereito a presentación do escrito (burofax, correo certificado, correo electrónico, telegrama...), na sede da federación mediante escrito dirixido á Presidenta ou presidente da Xunta Electoral.

Os prazos para a presentación destes recursos, así como os de resolución da Xunta Electoral serán de 2 días hábiles, salvo nos casos nos que no presente regulamento ou na Orde do 8 de setembro de 2010 se establezan outros distintos.

Artigo 19. Recurso ante o Comité Galego de Xustiza Deportiva.

Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.


Están lexitimados para interpoñer o recurso quen fose parte na impugnación ante a xunta electoral federativa ou as persoas interesadas directamente polo seu acordo ou resolución.

1. Os prazos de interposición do recurso electoral ante o Comité Galego de Xustiza Deportiva será de 3 días hábiles contados dende o seguinte ao da notificación da resolución ou acordo obxecto de recurso ou, se fora o caso, dende o momento en que se produza a desestimación tácita da reclamación electoral presentada.
2. O escrito de interposición do recurso deberá expresar:
 - a. Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
 - b. Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
 - c. Lexitimación para interpoñer o recurso
 - d. O acto que se recorre e a razón da súa impugnación.
 - e. As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
 - f. As pretensións que deduzan de tales consideracións.
 - g. Lugar, data e sinatura.

Aprobado en Asemblea Xeral Extraordinaria en Vigo, o día 19 de xullo de 2014

A Secretaria

O Presidente





(ANEXO I)

Calendario Electoral 2014

11 de xullo	Convocatoria de Asemblea Xeral Extraordinaria.
19 de xullo	Asemblea Xeral Extraordinaria. Aprobación do Regulamento electoral na Asemblea.
21 xullo	Preséntase á S.X.D. o Regulamento provisional electoral. Entrada no rexistro da SXD de Santiago de Compostela nesa data (Prazo de revisión máximo: 10 días). AGOSTO INHÁBIL
1 de setembro	Notificación da convocatoria á SXD e ás entidades deportivas(5 días hábiles de antelación á convocatoria.
2 de setembro	Remata o prazo da Secretaría Xeral para o Deporte para emendas ou aprobación do Regulamento electoral.
6 de setembro	Convocatoria oficial de eleccións (Publicación nos taboleiros e WEB federativa). Publicación dos censos provisionais (Exposición pública do censo: mínimo 10 días hábiles). Inicio do prazo para reclamacións ao censo provisional (6 – 19 setembro). Disolución da Xunta Directiva e transformación en Comisión Xestora. Constitución da Xunta Electoral. Inicio do prazo para solicitar o voto por correo.
6-18 setembro	Prazo para presentar reclamacións ao censo provisional.
18 setembro	Fin do prazo para reclamacións ao censo.
22 setembro	Fin do prazo para Resolución pola xunta electoral das reclamacións ao censo provisional. (3 días hábiles) Publicación do censo definitivo. Designación das mesas electorais. Inicio do prazo para presentar candidaturas á Asemblea Xeral.
24 setembro	Remata o prazo para solicitar o voto por correo(6 - 24 setembro)
22 - 27 setembro	Prazo para presentación de candidatos á Asemblea xeral. 27 setembro: fin do prazo (19 horas.)
27 setembro	Publicación listas provisionais de candidatos á Asemblea xeral e sorteo para a eleccións dos membros das mesas electorais na Casa do Deporte de Vigo (19. Horas)
29 e 30 setembro	Prazo para presentar reclamacións de candidatos provisionais á Asemblea xeral. (2 días hábiles).
1 e 2 outubro	Prazo para resolución pola xunta electoral das reclamacións á candidatos á Asemblea xeral. (2 días hábiles)
2 outubro	Proclamación definitiva de candidatos.
4 outubro	Remata o prazo para remisión dos papeis de voto por correo (artigo 14 Regulamento) aos votantes autorizados.
11 outubro	Fin prazo para depositar os votos en correos.
18 outubro	Constitución da mesa electoral ás 10.00 no salón de actos da Casa do Deporte en Vigo. ELECCIÓNS A MEMBROS DA ASAMBLEA XERAL DA FEDERACIÓN GALEGA DE PETANCA. Escrutinio. Exposición das listas provisionais de membros electos.
20 e 21 outubro	Prazo de reclamacións de membros da Asemblea Xeral (2 días hábiles)
22 e 23 outubro	Prazo para a resolución de reclamacións de membros da Asemblea Xeral (2 días hábiles)
23 outubro	Exposición da composición definitiva da Asemblea Xeral.
23 -28 outubro	Prazo para presentación de candidatos a Presidente da Federación e a Comisión Delegada (5 días hábiles seguintes a proclamación definitiva dos membros da Asemblea). 28 outubro: fin do prazo para presentación de candidatos
29 outubro	Publicación da lista provisional de candidatos a Presidente da Federación e a Comisión Delegada
30 e 31 outubro	Fin do prazo de reclamacións ás listas provisionais de candidatos a Presidente e a Comisión Delegada da Federación.
3 e 4 novembro	Prazo de resolución das reclamacións ás listas provisionais de candidatos a Presidente da Federación (2 días hábiles: artigo 15.3 Regulamento). 4 de novembro: Fin do prazo para resolución das reclamacións.
4 novembro	Exposición da lista definitiva de candidatos a Presidente da Federación e Comisión Delegada.
8 novembro	Constitución da Asemblea Xeral Extraordinaria ás 10.30 no salón de actos da Casa do Deporte en Vigo. ASAMBLEA EXTRAORDINARIA. ELECCIÓN DO PRESIDENTE E COMISIÓN DELEGADA DA FEDERACIÓN GALEGA DE PETANCA. Proclamación provisional de resultados.
10 -11 novembro	Prazo para reclamacións á elección do Presidente e Comisión Delegada da Federación.
12 -13 novembro	Prazo para resolución pola Xunta electoral das reclamacións á elección do Presidente e Comisión Delegada da Federación.
13 novembro	Proclamación definitiva do Presidente e Comisión Delegada da Federación Galega de Petanca. Fin proceso electoral. Inicio do prazo de 10 días para remitir os resultados á Secretaría Xeral para o Deporte.

